

de  
Medicamentis  
Stimulantibus

21606/47

21606/P

TENTAMEN MEDICUM

INAUGURALE,

DE

MEDICAMENTIS

TIMULANTIBUS

IN GENERE.

THE NEW YORK PUBLIC LIBRARY

ASTOR LENOX AND TILDEN FOUNDATIONS

18

1891

1891

1891



TENTAMEN MEDICUM  
INAUGURALE,  
DE  
MEDICAMENTIS  
STIMULANTIBUS  
IN GENERE.

QUOD,

ANNUENTE SUMMO NUMINE,

Ex auctoritate Reverendi admodum Viri,

D. JOANNIS GOWDIE, S. T. P.

ACADEMIAE EDINBURGENAE PRAEFECTI;

NEC NON

Amplissimi SENATUS ACADEMICI consensu,

Et Nobilissimae FACULTATIS MEDICAE decreto;

PRO GRADU DOCTORATUS,

SUMMISQUE IN MEDICINA HONORIBUS ET PRIVILEGIIS

RITE AC LEGITIME CONSEQUENDIS,

ERUDITORUM EXAMINI SUBJICIT

GULIELMUS ELLIOT, SCOTO-BRITANNUS.

Ad diem 11 Septembris, hora locoque solitis.

*Est quodam prodire tenus, si non datur ultra,*

HOR.

EDINBURGI:

Apud HAMILTON, BALFOUR, et NEILL,

ACADEMIAE TYPOGRAPHOS.

MDCCLX.



HONORANDO  
VIROQUE ILLUSTRİ,  
**GILBERTO ELLIOT, jun.**  
DE MINTO,

IN REBUS MARITIMIS DIRIGENDIS PRAEFEC-  
TORUM UNI,

ET

IN PUBLICO INFERIORE CONVENTU  
SENATORI;

OMNIBUS VIRTUTIBUS AD HOC UTRUMQUE  
MUNUS FUNGENDUM

PRAEDITO;

AB ILLA,

VIGILANTIA, DILIGENTIA, SUMMAQUE PERITIA;

AB HAC,

EGREGIA, PRO JURE, PRO LIBERTATE, PRO  
HONORE PATRIAE, ELOQUENTIA,

SPECTATISSIMO:

AD HAEC IN PRIVATA NON MINUS QUAM

PUBLICA VITA, OMNI DOTE CULTIORE,

SIVE HUMANA, SIVE DECORA,

SIVE UTILI,

ORNATISSIMO:

HOCCE SPECIMEN INAUGURALE,  
PRIMOS SUOS IN RE MEDICA CONATUS,  
EO QUO PAR EST OBSEQUIO,  
CONSECRATUM VOLUIT

AUCTOR.



Digitized by the Internet Archive  
in 2018 with funding from  
Wellcome Library

<https://archive.org/details/b30366562>



D E

## MEDICAMENTIS STIMULANTIBUS,

IN GENERE.

**S**OLID A animalium proprie viva appellantur \*, quòd facultates quasdam habent quae in sola viventia conveniunt, quaeque in nulla re inanimata inveniuntur. Hae facultates consistunt praecipue, in illa contractilitate, illisque movendi viribus, quibus tota oeconomia animalis, et vita ipsa sustentatur: atque proprium est solidis vivis ut motus eorum affici possint, a multis rebus, quae in solida mortua et inanimata nihil agunt. Medicamenta igitur in corpus vivum agentia specialem omnino curam postulant; mutationes vero quae solidorum motibus obveniunt, sunt ejusmodi motus vel imminutio vel augmentum; quocirca medicamenta solidorum motum afficientia in duo genera dividi possunt, in illa scilicet, quae contractilitatem, et motum solidorum minuunt, et sistunt, *sedativa* vulgo dicta: atque haec

\* Gaub. Pathol.

quae, solidorum motum et contractilitatem, excitant et augment, *stimulantia* appellata.

DE Medicamentorum Stimulantium operatione, in hoc specimine inaugurali, paucis differere conaturi sumus. Cum vero haec Stimulantia in fibras ut motrices aut solidas vivas agant, ad actionem eorum intelligendum, necesse est, ut primum in eam vim movendi, qua gaudent fibrae animales, inquiramus: quibusdam rebus, de hujus in systema potestate, ante memoratis; has deinde, pro legibus generalibus in actione Stimulantium, praevalentibus, adhibere, exemplisque subinde allatis insignioribus illustrare; postremo rem totum ad praxin medicam applicare, propositum est.

ARDUUM fane opus, nostrique ingenii veris et fortasse superaturum, aggredimur. Sed quoniam rem orsi sumus, contra HORATII, quod scripturis dedit sanum consilium \*, necesse habemus tentare; ut idem alibi dixit, “Fortiaque adversis opponere pectora rebus:” Si tamen his ausis omnino exciderimus, (quod quidemve risimillimum est); satis solatii erunt, candidae rationes, excusationesque, quibus in tam difficilibus inceptis, ad sustentandum lapsum, dolentemque mulcendum, perspicacior

† Ars. poetic.

# STIMULANTIBUS. 3

hominum pars, pro sua bonitate, semper ultro utitur.

## CAPUT I.

### SECT. I.

#### DE VINEREA.

NOVIMUS omnes animalium fibrarum motuum causam, a docto HALLERO, in activam quandam in glutine proprietatem, earum elementa connectentem, conjectam esse \*. Sed quoniam haec doctrina, a cel. nostro praeceptore D. WHYTT, abunde refutata †, videtur; licet hic loci ponere, fibrarum animalium motus, a vi quadam a nervis derivata pendere. Quaeque, apud scriptores, vis nervea, motrix, aut vitalis, adpellatur. Horum unum quodlibet nostro proposito satis conveniet: verum si omnino eligendum est, cum sit a nervis derivata, *vim nerveam* eam postea dicemus.

ANIMALIUM fibrarum motibus sic a nervis pendentibus, si quid in iis mutationem efficit, augendo vel imminuendo vim nerveam, ut efficiat, necesse est.

\* Vid. Memoires sur la nature sensible et irritable des parties du corps animal.

† Vid. Whytt's Phys. Essays, part II.



CELEBERRIMUS HALLERUS corporis humani partes in irritabiles et non irritabiles divisit \*, quod adeo fecisse videtur, experimentis, in brutis sanis tentatis, si libertate sermonis uti decet, deceptus. Haec divisio patheologiae minime conveniet. Ut ut enim in animalibus sanis experimentis subeuntibus, res se habeat ; observationibus tamen et experimentis celeb. D. WHYTT, omnia corporis vasa, arterias praesertim, et majores et minores, irritabiles esse negare non possumus †; cumque haec a priori doceant, omnes systematis partes, e vasis compositas, motum et contractionem capere, multa morborum phaenomena, quotidie, rem citra dubitationem demonstrant.

QUAMVIS omnes corporis partes sint irritabiles, haec irritabilitas in aliis plus, in aliis minus, varie etiam pro variis aetatibus, constitutionibus, &c. praevalet. Quod discrimen pro ratione sensilitatis esse, et a vi nervea diversum fibrarum tonum attribuyente pendere, comperietur ‡.

• Observandum est, motus fibrarum, ab alterna contractione et relaxatione, systoleve aut diastole, per vices sibi mutuo succedentibus peragi.

\* Memoires sur la nature sensible et irritable, &c.

† Vid. Essay on vital and involunt. motions, and phys. essays.

‡ Whytt's Physiol. Ess. part II. Sect. 2. & 3.

Cum systole et diastole nimis saepe non recurrant, et in aequilibrio quasi inter se ponantur, fibrarum tonus naturalis fit, sanitasque obtinet: utque tonus naturalis, quicumque sit ab idonea vís nervae derivatione, pendet, ita diversa hujus vis determinatio; toni, systoles diastolesque fibrarum mutationem inducere invenietur. Quod cum fecerit, ut irritabilitatem etiam mutet, morbosque, quibus obnoxia est irritabilitas, inducat, necesse est.

DEVIATIO a naturali irritabilitate, vel ab excessu, vel a defectu necessario oritur: quorum hic torpor, ille mobilitas adpellatur \*.

“ MOBILITAS dicitur solidi vivi tanta sensilitas  
 “ ut levibus stimulis in motus erumpat enormes,  
 “ quibus aequabilis functionum tenor perturbe-  
 “ tur †.

“ TORPOR solidi vivi ponit imminutam vario  
 “ gradu sensilitatem: hinc ad irritamenta nifus in  
 “ contractionem tam parvus, ut non sufficiat iis pro-  
 “ ducendis motibus quos œconomiae salus postu-  
 “ lat ‡.”

\* Per irritabilitatem proprie intelligenda est, haec animalium fibrarum facultas in statu naturali cum sit; mobilitas autem irritabilitas aucta ponitur.

† Gaub. pathol. § 190.

‡ Ibidem, 196.



DE his duobus effectibus, quatenus, magna ex parte, ab imminuta, auctave vis nerveae determinatione, fibrarum statum mutante, pendent; pauca exempla adducta, non solum quantopere afficiantur a vi nervea, ostendent; verum etiam, ni fallor, statum et conditionem fibrarum, mobilitati, torporive proprium exhibebunt.

INITIO igitur, ab effectibus imminutae vis nerveae, facto, exemplum est in promptu a paralytico membro petitur: hîc enim, quaecunque sit causa remotior, morbum certe proxime efficit impedita aut imminuta vis nervea motrix; nec dubium est, quin, pro ratione hujus vis imbecillitatis, sit immobilitas, ut ita dicam, partium. Comprimendo nervum, possumus, quando volumus, similem inducere affectum in partes, per quas distribuitur: cujus rei exemplum quisque experitur, dum eam partem praecipuam sedendo premit, per quam nervi in partes inferiores exeunt. Quod efficit causa interna, quodque externa compressio imitatur; hoc aliquatenus usu simplicium medicamentorum sedativorum efficere quimus: opium enim, vel tentandi, vel medendi causa adhibitum, notam habet vim motus sistendi, corporisque partium irritabilitatem minuendi.

HAEC res, dum ostendunt, si quid vim nerveam imminuit, id irritabilitatem etiam imminuere; eodem tempore statum vasorum a bona valetudine alienum aperire videntur. In omnibus his vicibus laxitatem quandam animum advertimus: et quamvis argumentari liceat, induci hanc, intacta vi nervea, posse; attamen hoc dicere possumus, id nunquam magis effici, quam cum imminuatur, aut impediatur haec proprietas: immo fortasse ostendi possit, quodcunque, in vivo corpore, impulsis proxime solidis, potestatem habeat relaxandi, id simul operari, eodem modo, quo sedativa, vim nerveam, minuentia. Verum, ne scopo aberremus, cum re vera constet diminutionem vis nerveae torporem et laxitatem inducere; pro dato assumimus, laxitatem esse statum sive conditionem fibrarum, praevalente torpore. Nec nescii sumus, cum alia eam connecti conditione diversissima, de rigiditate dico, de qua postea; interim patet, laxam flaccidamque fibram semper torpere.

Si nihil insit praemissis fallaciae, iustaque, sit conclusio, laxitatem torporem denotare, necessario sequitur mobilitatem aliam fibrarum conditionem significare, verum quam definire haud facile erit. Ad id tamen conandum, quos habeat effectus validior vis nerveae derivatio, observemus. Quo facto, non tantum oscillationes, alternasve contractiones, sed irritabilitatem augeri comperiemus.



## 8 DE MEDICAMENTIS

Deme nervo flaccidae inertisque fibrae compressionem, brevique vim movendi et contrahendi recuperare videbis ; idem per irritationem fit ; hac ratione paralyticum membrum in priorem statum restituimus ; hac laxam torpidamque fibram irritabiliorem reddimus ; hac denique sanae fibrae irritabilitatem etiam augemus : organum inflammatum, sano magis, a stimulo irritatur. Eademque causâ, in erecto pene, muscoli acceleratores urinae, ut observat D. WHYTT, acutissime a semine stimulantur ; cum, e contrario, in flaccido hujus membri statu semen in urethram elabens hos musculos ne minime quidem afficit \*.

EXEMPLIS allatis vidimus impetum vis nerveae augeri non posse, nisi pariter augeatur irritabilitas. Ad hoc observare licet, partium tonum insigniter mutari, discrimenque usque occurrere, sive fibrae sanae augeamus, sive laxae, torpidae, paralyticaeque, restituamus, irritabilitatem. Post tamen omnia, longe fortasse abest, ut pro certo dicere liceat, qui sit mobilis fibrae status ; nisi quod, adductis jam in medium exemplis, non minus quam magna auctoritate † nisi, jure quodam videmur affirmare, esse in fibra mobili, praeter naturalem *gracilitatem*, *tensionem* quodam modo, ab ea laxitate, quae torporem constituit, diversam ; verum ab ea

\* Phys. Essays.

† Vid. Gaub. Pathol. p. 194.

firmitudine, et stabilitate, quae sanitate constituit, diversissimam.

Dictum est, fibrae sanitatem in justa systoles et diastoles motuum velocitate, in aequilibrioque inter has, positam. Fibrae mobilis systole et diastole intenduntur: torpida cum sit, perditur aequilibrium. Id quod in laxa, torpidaque fibra vidimus, ubi systolen praegravat diastole; nec praetereunda est altera fibrarum, huic admodum contraria, cum torpore connexa conditio, ubi systole superat diastolen, rigiditas ea vocatur: ut altera ab aucta vi nervea sit, altera ab imminuta oriri videtur. Horum affectuum utrumque, tum illum auctae systoles et diastoles, tum hunc auctae systoles aut contractionis, a majori vis nerveae derivatione, in quibusdam corporis partibus, induci posse, compertum satis ab experimentis habemus. Quibus attentus cel. WHYTT corporis partium irritabilitatem in duos modos divisit \*, in contractiones alternas, quae stimulo acri admoto, accersuntur; aequabilemque illam, quam *dartos*, cutisque capiunt: prioris exemplum a vesicatorio; alterius, a frigido aëre aquave cuti admotis, petivit. Verum postremus hic affectus, quamvis in cuti saepius et insignius appareat, huic tamen, ni fallor, minime

\* Phys. Essays, part II. sect. 2.



propria videtur. Omnia enim corporis vasa, a corde magnaue aorta ad capillaria, sive in cuti sive alibi, vascula, eidem affectui necessario subjiciuntur, ut mox ostendere conabimur. Ex iis patet rationibus, quantum in statu vasorum polleat vis nervea. Nunc necesse habemus, quo pacto hac vi praedita vasa in fluida operentur, animum sigillatim advertere. Nec, in ejus operationem tum naturalem, tum auctam, alienum a re erit, inquirere.

I. CUM vasorum motus et contractiones, in naturali statu, ab idonea vis nerveae suppletione pendeant, in œconomia animali hae contractiones, variis fluidis et substantiis admotis, excitantur. Ad hanc opinionem tutandum, D. WHYTT non modo demonstravit alimentarium canalem contentis suis stimulum, per hanc vim, motum peristalticum peragere; verum etiam probavit, cor arterialeque systema eadem vi praedita, sanguine, in motus illi propellendo necessarios, concitari: eosdemque stimulos, eandem vim in minorum vasorum ordine, ad motus et secretiones perficiendos, incitare: nec aliter venas operari videri; ab eademque causa, magna ex parte, ingressum motumque fluidorum in systemate absorbentium oriri \*.

Hi fere sunt effectus vis motricis, qua organa

\* Vid. Essays on vital and involuntary motions.



vasaque corporis animalis praedita sunt. Videamus proxime quae mutationes auctam hanc vim comitentur.

II. Cum vasa, aucta vi nervea, duos suscipiant diversos affectus; de effectibus eorum, in utraque conditione, in circulationem, pauca dicemus; primumque de aucta systole et diastole.

1. AUCTIS cordis et arteriarum alternis motibus, acceleratur plerumque circulatio, sanguisque in omnes corporis partes, impetu citato, fertur. Consimilis effectus, ab aucta exiguorum vasculorum, in una quavis corporis parte, actione, nullo cordis respectu habito, sequitur. In iis enim fluidorum motus augetur; hinc verecundus vultus; alique in multis partibus ardores; hinc haemorrhageae; ab eadem causa oriuntur auctae singulae secretiones, nempe lachrymarum, urinae et salivae, in dolentibus, hypochondriacis, esurientibusque, fluxus\*.

2. CÆTERUM quod ad alterum adfectum, auctam systolen, attinet, cum sit maxime in exiguis vasculis insignis, de ejus in has partes potestate primum agemus. Quae quidem diversissima ab alterius potestate comperietur; systole enim aucta non modo impetum humorum ad partem affectam non pro-

\* Vid. Essay on vital and involuntary motions.

movet, sed sanguinis repellendi et secretionibus resistendi potestatem plerumque obtinet. Hoc, corrugata et constricta cuti, confit; spasmodicaeque in exiguis vasculis contractiones, ubi ubi occurrunt, idem efficiunt; quae, eodem saepe tempore, eodemque modo, quo constrictio spasmiusve superficialis, inducuntur; frigida, corpori adinota, uno tempore, et perspirationem occludunt, et vim suam ad interiora insinuant, ibique, quo minus fiat evacuatio, impediunt; plurima hoc genus exempla menses adferunt: quorum cursus, ut notum est, frigore, vel humiditate pedum, misere cohibetur; huic similis febrium impetus; quo non cutis modo \*, sed multae interiorum partium constringuntur;

\* Hoc loco haud ignari sumus posse, nec sine magna auctoritate, objici \*, constrictionem et frigiditatem superficialem, aggrediente febre, a vis nerveae defectu, inertiae, circulationis defectum adferente, oriri.

Hujus opinionis fallaciam, uno vel altero verbo, id quod satis fore spero, ut ostendam, necesse est; quaecunque enim, ingruente febre, vis nerveae sit conditio, totius respectu systematis; quaecunque sit causa remotior; constrictio et frigiditas superficialis, de quibus loquimur, ab aucta, in hac parte, vi nervea, re vera proxime pendent: observanda est, vasorum superficialium contractio, ei, quae a frigore fit, quaeque, admota gelida, saepe repente inducitur, ut videtur, simillima: si, in hac re etiam praevalere inertiam, existimari potest; nihilo minus attendendum, hanc constrictionem nihil esse aliud, quam, quod

\* Boerh. aphor. § 755. et Van Swieten comment. in ibid.



constringuntur; in ore, asperitatem et siccitatem \*, in trachaea et pulmonibus, anhelitum, procreante †; intestina constipatione adficiente; eodemque modo, quo frigus, mensium cursum impediens ‡.

HAEC fiunt ab hoc affectu in parvo vasculorum ordine operante; qui affectus evacuationes simul inhibet, occluditve; simul has efficientem irritabilitatem necessario minuit. Si, nimis evacuationibus cohibitis, irritabilitatem vasorum tantummodo in idoneum statum restituit; naturali deinde via progrediuntur; sin longius urgetur systole, iuxta irritabilitas facessit, *rigiditas, torporisque* genus quoddam vasa invadit \*\*; sanguisque, stimuli loco

quod ante innuimus, spasmus. Idem enim, quod ejusmodi affectum superficiale fingere possumus, videtur, idemque, quod ille aliis in partibus, efficit. Quod si omnino de spasmo judicare possumus, in aucta supra modum vi nervea, auctaque vasorum systole situs est †. Verum quidem est, nec ommittendum, hujus vis suspensionem defectum circulationis adferre, unde frigiditatem deficientesque in partibus adfectis, secretiones sequi; ut quotidie in vitis paralyticis videmus; aequae tamen verum, omnique spasmorum exemplo confirmatum, determinationem vis nerveae hoc efficientem idem, ubicunque contingit, efficere.

\* Frid. Hoffman. op. om. v. i. p. 304.

† Boerh. aphorism. § 749.

‡ Bagliv. de fib. motr. cap. viii.

\*\* Vid. p. 7.

ea impellens, in motus naturali evacuationi et secretioni necessarios excitare amplius nequit.

UT dicta de minoribus, ad majora vasa, quo certe pertinent, converti possint, cum vel morbida mobilitas, vel naturalis vasorum irritabilitas, inducta quadam tensione, imminuatur, fieri non potest, quin sanguinis motus magis tardetur.

HI duo diversi vasorum affectus quos separatim, tractatos inter se analogos, eademque causa, nempe aucta vi nervea natos, ostendimus, ut nunc hic, nunc ille, vix detegendo causae discrimine, occurrat, necesse est; quod propter utilitatem potius, quam quod affinitatem inter hos ostendat, hoc loco memoramus. Hujus exemplum habemus ex morbis hypochondriacis, quorum paroxysmos praecedat vel comitatur modo violens secretionum fluxus, modo huic contrarius: ut in ore nunc salivatio, nunc constrictio \* in renibus, pallidae urinae profluvium, in ductibus urinariis obstructions, obtineant †. Idem, febribus, fit, advenientibus, quae modo laxant, modo constringunt ventrem; dentitioque infantum nunc violentam alvi dejectionem, nunc constipationem adferre nota est ‡. Frigidaque, corpori admota, cum diarrhoeam modo inducunt, haud raro contrarium efficiunt; spasmis, intestina, adstrictioneque, ut olim

\* Hoff. op. v. 1. p. 304.

† Ibid. in eod. et aliis locis.



a BAGLIVIO notatum est, vexantia \* ; haec omnia cum constrictionem cutaneam spasmusque in partibus internis, inter se similia, vel potius eadem esse ostendant, affinitatemque inter utrumque vis nerveae affectum demonstrent; tamen ad connectionem quandam inter partes primum affectas, quaeque remotiores hujus adfectus fiunt participes, ut attendamus cogunt. Sola haec hujusmodi connectionis non sunt indicia. Eadem enim phaenomena, per totum corpus videntur. Cumque a vî nervea pendeant, proximamque doctrinae de stimulantibus affinitatem habeant, recenseri in primis postulant. Itaque, de potestate sive lege, per quam unius partis adfectus cum alia communicetur, quae apud VAN. HELMONTIUM Actio Regiminis, vulgo autem Consensus Partium dicitur, paulo plenius agemus.

Verum cum alienum a nostro sit proposito, diutius in hac re morari, ea demum quae ad hanc narrationem pertinent, exemplis illustrare ; et eum quidem consensum earum corporis partium, ubi Stimulantia Medicamenta praecipue operantur, explanare, satis habemus.

## S E C T. II.

### D E C O N S E N S U P A R T I U M.

PRIUSQUAM rem sic coarctatam ingrediamur, in universum notandum est, adeo esse generalem con-

\* De fibr. mot. cap. ix.



senſum inter omnes corporis partes, ut, qualibet una irritatâ, omnes affici poſſint. Hujus exempla prebent acerrima externe admota; dentitio puerilis; trajectus lapidis per ureterem; lumbrici inſteſtinales; præterea convulſiones, e viperæ, morſibus inductæ, idem inſigniter demonſtrant. Quamvis vero natura hanc generalem connexionem conſtituit, alia magis præcipua oſtendi poſſeſt; unde fit, ut levibus nonnullarum partium factis mutationibus, magnopere commoveantur alia.

Ad hoc illuſtrandum, ab externis incipientes, pergemus ad interna. Primumque, quod ad externa, nempe cutim et ſuperficiem exteriorem, attinet; de conſenſu inter ſingulas partes, totaſque cum ſyſtemate, dicturi ſumus.

CONSENSUS inter ſingulas ſuperficieï partes, frigido aëre aquave cuius admotis, inſigniter apparet; his inducta conſtriçtio per totum ſyſtema ſpargitur. Quæ univerſalis conſtriçtio a nulla alia parte ſæpius, quam a pedibus, propagatur; unde toties obſervatur, frigidos pedes perſpirationem occludere: ab iſſque ſic expoſitis, ſæpius quam ab alia ulla parte, phaenomena forſitan gigni quæ conſenſum inter externas et internas partes oſtendunt. Hujus exemplum ab inhibitis frigidityte pedum

dum menstruis, jam adductum. Caeterasque haemorrhageas pari modo cohiberi notum omnibus; ut nasi, frigidis, collo partive remotiori, praesertim scroto \*, admotis. Ab eadem causa, aliis partibus communicatae plurima constrictionis consequuntur exempla. Itaque corpus frigori expositum varia spasmodica symptomata, pro vario aegrotantis habitu, adducere observatur: spasmos intestinorum, asthma, rheumatismum, &c. prout aegrotus vel in hoc vel in illud sit proclivior. Haec omnia, eundem affectum, nempe auctam systolen, a superficie ad interna communicari indicant. Jamque dictis addendum est, hunc affectum superficialem, qui sanguinem repellat et secretioni obstet, talem interne tamen gignere qui secretiones augeat: ita frigidus aër, aut aqua gelida externe admota, adeo internas secretiones non impediunt, ut saepissime, vel potius plerumque eas oscillationes gignant quae has magnopere augent. Hujus rei in naso et gutture exempla occurrunt. Spectatur etiam ubique, hujus conditionis, ad alimentarium canalem determinandi, potentia. Hinc a frigidityte pedum vulgo solvitur alvus: idemque, ingruente febre fit; quo tempore, ut nausae et vomitio indicant, aliis organis ventriculus saepius afficitur. Utque ad interna determinat haec superficiei conditio, contrariam inde avertere, obser-

\* Bagliv. de fibr. motr. p. 335.



vandum venit. Hujus pulchrum documentum habemus ex SYDENHAMI praxi de peste ; qui, ut molestam, ineunte morbo, vomitionem compesceret, tecto multis vestibus aegroto, sudorem expressit, quo facto, statim desinit vomitio \*.

ITAQUE qua licuit, de consensu superficiali sigillatim diximus. Transeuntibus jam a partibus externis ad internas, non praetereundus est nasus ; cujus, e vulgari nicotianae usu, tanti in systemate momenti potestas apparet.

INTERNARUM partium, de alimentario canale solum dicemus. Ab ore autem, ubi hic incipit, ad anum usque, motus quidam pergit primarum viarum functionibus pernecessarius. Si enim singularum ejus inter se partium consensum animadverterimus, hunc motum in qualibet una rite peractum, omnium motui necessarium comperiemus : dici quidem potest ejusmodi in ore omnino motum non esse. Verum tamen notanda est, quaedam oris vasculorum conditio, universi canalis motui adeo necessaria, ut levissima hic mutatio graviter inferiorem canalem commoveat. Hinc vomitio leni oris titillatione, ingratove gustui cibo, tam facile excitatur.

\* Sydenham. op. cap. ii.

VENTRICULI motus sursum directus eodem modo intestinorum motum invertit : itaque vomitio alvum solutam haud raro restringit ; inverſoque ritu, ventriculus male affectus fluxum ſalivae in ore reſolvit. In inteſtinis vero alvi levatio cupiditatem vomendi adimit. Inde fit, ut, qui in vomitionem ſunt procliviores, cum adſtringitur venter, peſſime ſe habeant.

In poteſtate, quam in ſyſtema exerceat canalis alimentarius, multa ſunt ventriculi et inteſtinorum affectibus communia : dolor enim et inflammatio eadem fere in utriſque ſymptomata habent. Idemque, ni fallor, lumbricis laborantibus contingit ; vel ſi aliter ſe res habeat, a liquidis obſervationibus nondum compertum habemus diſcrimen. Quin etiam os et ventriculus, eos affectus capere et promovere inſigniter videntur, qui animam et vigorem ſyſtemati reddere poſſint. Nemo non inedia et labore fatigatus, ſubito roborantem cibi meliorisve notae liquorum vim expertus eſt : cumque hoc fit, eadem vel ore accepta pariter adficiunt. Ventriculus quidem propriam habere ſenſilitatem, magisque quam caetera ſyſtema adficere videtur. Hoc, exemplis ab illius cum ſingulis organis conſenſu petitis, quam brevifſime illuſtrabimus,

Primumque,



Primumque, cum capite:] quis vero est, qui in capitis doloribus, a turbato ventriculo toties orientibus, hunc consensum non expertus sit? Ad hoc notandum, fordes idque genus alia ventriculum foedantia non modo capitis dolores excitare, verum etiam in delirium agere. Nec desunt exempla, epilepsias, adeoque dementiam, a vermibus hoc organum infestantibus, nasci, docentia.

Cum corde:] male affectus, cibo aliove quocunque ingesto, ventriculus pulsum accelerat \*: febricula etiam commune lumbricorum est indicium.

Cum pulmonibus:] fordes ventusque ventriculo conclusus anxietatem et anhelitum creant, quae, nisi expulsi illis, sedari nequeunt.

Cum utero:] multis feminae exemplis, a piscibus acidisque in ventriculum, mensium tempore, ingestis, hanc sisti evacuationem monitae, ab iis cavere didicerunt.

Cum renibus:] vermes in ventriculo nati, copiam urinae imminuendi vim notam habent †; compertumque a gravi medico habeo, turbato sibi ventriculo, magnam, ab hoc excretorio, evacuationis fluere copiam.

Postremo, cum cuti:] alimentis quibusdam, ut vetere caseo subacidisque, sudor saepe exprimitur:

\* Vid. Whytt's Physiol. Essays. p. 193.

† Frid. Hoff. op. v. 1. p. 236.



certisque cibi generibus cutaneae eruptiones haud raro fiunt. Hujus organi cum superficie consensum, indicat post cibum horror. Hoc etiam, ut videtur, confirmant febrium tertianarum paroxysmi, siccis aut salis concoctuve difficilibus cibis reducti \*.

HAEC exempla de consensu sufficiant, de quibus pauca sunt notanda.

1. AD vim nerveam augendam, proximam in parte affecta operationem non esse necessariam; hanc enim mutationem in quavis una inductam, cum reliquis partibus, iisque praecipue ubi maxime praevalet connectio, communicari.

2. HANC communicationem pro ratione partis affectae sensilitatis fieri: ab ore, naso, ventriculoque systema magis, quam a caeteris, adfici.

3. SUPERFICIEM cum internis, cumque superficie interna, nulla cordis ratione, consentire: adeo, ut, quibusdam rebus admotis, vasorum ideoque sanguinis motus, cordis vi actioneque necdum immutatis, saepe mutantur. Idque praecipue in ventriculi cum cute consensu; et *vice versa* demonstrari.

4. EUNDEM non semper affectum communi-

\* Van Swieten comment. in Boerhaav. aphor. Sect. 21.

cari, sed duos, eodem saepe tempore, auctae vis nerveae modos, supra explicatos, occurrere; unum, qui circulationem et secretionem auget; alterum imminuentem et obstruentem: id quod in consensu externarum cum internis partibus insigniter apparet; ubi, ut jam dictum est, affectum illum, qui perspirationem superficiei impedit, sequitur aut comitatur ea primarum viarum commutatio, ut majorem secretionem pareat, vomitionemque et alvi dejectionem inducat. Patet etiam ab exemplis consensus inter ventriculum et superficiem, oscillationem in ventriculo secretionem augentem a superficie avertere, et vice versa \*. Quando igitur

\* Haud alienum, ut opinor, erit, hanc legem, una cum rebus quibus nititur, paucis defendere. Theorista dilectam persequens hypothesein, alchymistae magnum propositum sectanti, haud dissimilis. Hic enim omne metallum, ut in aurum convertat, vexat: ille omne phaenomenon in argumentum torquet. Nudus rationis oculus, ut re vera sunt, omnia adspicit: si vero falsa opinione deceptus secus adspiciat, de rebus prout haec eas ostendit, temere decernit. Ut ab hoc, in re presenti, crimine caveamus, quamobrem ad affectum solidorum partiumque consensum retulerimus, quod in una parte imminutam in altera sequatur aucta secretio, et contrarium, paucas in medium rationes, ea, qua par est, modestia, proferemus. Quibus rationibus, si imminutam, aut auctam in superficie secretionem, ad interna determinantem, ab iisve avertentem, explicaverimus; e contrario, concedi oportet, internos hosce affectus idem in superficie valere. Quocirca ea sola quae

ad



tur fit, ut idem affectus ab externis ad interna propagetur; neque mirari, neque aliud quicquam a similitudine affectuum expectare debemus. Idem enim in consensu superficiei cum internis fieri vidimus.

## 5. CUM

ad imminutam in superficie secretionem, internas augmentem, pertinent, adferemus. Totaque, de hac re, quaestio ad hoc redit; proximene a consensu inter vasa, an a remotiore fluidorum actione pendet? Interim conantibus nobis ostendere, esse talem inter statum vasorum in cute internarumque partium connectionem, ut conditio superficialis circulationem et secretionem inhibens, eam in vasis intus mutationem efficiat, quae fluidorum fluxum solvat, objici potest, occlusae hujus perspirationis affectum, a regurgitatione, si voce uti licet, hujus materiae ad has partes, negato per cutim transitu, vel a majori sanguinis copia introrsum missa, prorsus oriri.

Quod ad horum primum attinet, constat, occlusa perspiratione, caeteras augeri secretiones; sed in renibus, et pulmonibus insigniter hanc mutationem occurrere, quae vero sit causa non praesentis consilii est disquirere. Corpore subito frigoribus exposito, gelidâve aquâ admotâ intestina saepe numero petuntur, copiaque secretionis, ut fit, avellitur; hic, cum attendamus, perspirabilem humorem, hanc viam raro insistere, nulla, quam video, ratione, eum cum secreta materie, confundere debemus.

Eisdem majoribusve difficultatibus laborat, qui a majore sanguinis copia eum prorsus oriri opinatur. Quod si verum esset, ut omnes interne secretiones, pro rata parte, augerentur, necessario sequitur. Sed hoc minime verum; non enim semper fit, ut frigus externe adplicatum per intestina secernendi, vel ad tracheam determinandi, causa sit. Incipiente feбри, corrugata  
cuti,

5. CUM consensus superficiei cum primis viis et cum superficie primarum viarum, quibusdam in rebus, eundem affectum propagari demonstrent,

cuti, ventriculus sola alimentarii canalis partium plerumque adificitur. Quibus rationibus si subitus harum intus evacuationum a frigore inductus impetus accesserit; praeterea insignis consensus, qui superficiei, cum alimentario canali, e violentibus, a levissimo tactu ructibus, intercedere videtur, additus fuerit; postremo, si in cumulum adjecerimus propagatam gelidae aquae constrictionem ad alias partes, utrum praecipue, ipsasque adeo primas vias, ut, in spasmodis et constipatione februm impetum comitantibus, gelidave aqua inductis, accidit; ex his omnibus in unum collatis, accuratiusque pensatis, vim partium consensus in auctis primarum viarum secretionibus, a constrictionibus oriri superficialibus, aequa ratione concedemus, ac in oclusis hic secretionibus ab eadem causa nasci eam admittimus. Eadem argumenta ad auctas aliarum partium evacuationes, eandem superficiei vicem comitantes, pari modo probandas valebunt. Qua re sic constituta, communi opinioni assentientes, proponimus, oclusa perspiratione, ad partes internas, quae maxime sunt imbecillae, fluere humores: in animo usque tenentes, hanc imbecillitatem nihil esse aliud quam morbidam partium mobilitatem. Nimis jam a proposito aberravi: addendum tamen insuper, si iusta sint quae dixi ad aliud consensus exemplum, de quo disputari potest, de rheumatismo dico, confirmandum, pertinent: cum enim frigus superficiei admotum, oscillatorios motus in remotioribus partibus, circulationemque mutandi tantam vim habeat, ad explicandos rheumaticos dolores, toties tamque subito, cum frigori corpus sit expositum, recurrentes, nihil amplius opus est, quam contractionem vasorum auctam, aut mutationem quandam oscillationis in parte affecta, per id factam, ponere.



in aliis tamen, motricium fibrarum in una parte affectum, a remotiore simili demoveri, innuunt. Hoc praesertim derivando a ventriculo videmus. Hoc idem confirmat consensus inter singulas alimentarii canalıs partes. Removentur enim vomitiones, ad inferiora determinando, et vice versa.

6. UT mobilia systemata facillime afficiuntur, ita consensus tum maxime est insignis, cum maxima sit mobilitas. Hinc valida et quasi duro robore nata puella, frigidos humidosque ferre pedes, vel ipso mensium tempore, impune potest; cum delicata ingenua sic exposita, praesertim hoc tempore, omnia statim hysterici paroxysmi symptomata pateretur.

7. CONSENSUS etiam pro variis hominibus varius. Idemque cibus, in aliorum ventriculo, asthma procreat; aliarum menses obstruit, et ad superficiem determinat. Quod discrimen, cum a natura plerumque pendeat, casu etiam, rerumve mutatione inducitur; itaque uterus solummodo cibo noxio aut algore male adficitur dum fluunt menses, partiumque irritabilitas inde augetur; cumque hysterica, aut hypochondriacus, variis, diversisque sit affectibus obnoxius; tussi, rheumatismo, surditati, vomitioni, spasmisque intestinorum, quo-

## 26 DE MEDICAMENTIS

cunque horum malorum laboret, inductum frigus saepius hoc solummodo intendit.

IGITUR de vî nervea, quoad res pateretur, differuimus; ejusque in systema effectus, monstratis phaenominis, ab aucta hac vi, sive primum affectae partis, sive earum quibus cum connectitur, pendentibus, explicavimus.

HAEC, generalem argumenti ideam exhibent. In effectus, adauctae vîs nerveae inquirentes, operationem usque Stimulantium Medicamentorum, re vera, memoravimus: directius igitur atque ex professo argumentum dehinc tractaturis nihil aliud forsitan faciendum, quam ut jam dicta ad actionem Stimulantium adplicemus.

### C A P U T II.

#### DE ACTIONE STIMULANTIUM.

DICTIS ab initio praeterea addendum, Medicamenta Stimulantia, aucto vîs nerveae impetu, motus et contractiones fibrarum augere; nec partibus proxime affectis operationes eorum contineri,

ri, sed per consensum, qui universo corpore pollet, ad remotiores alias propagari.

Dum praemissa futuri operis modulum promittunt, eum pene recludere jam nunc incipiunt, praemonentes in limine, quod magni ponderis videtur, et in primis memorandum.

SUPRA dictum est varia phaenomena ab aucta vî nervea pendentia ad duplicem vasorum affectum redigi posse, unum, in alternis contractionibus et dilatationibus; alterum in contractione, systoleve solâ positum: ille apud auctores *Clonicus*, hic *Tonicus* motus adpellatur \*. Hoc, ut nobis videtur, duo omnino generalia capita praescribit, ad quae Stimulantium Medicamentorum operatio fit referenda: cum igitur constet, horum affectuum alterum ab illis semper effici; in Stimulantia *Clonica* et *Tonica* rite dividi possunt.

STIMULANTIA *Clonica* sunt, quae motum cordis, totiusque vasorum seriei accelerant, circulationem generalem augent, motum sanguinis in singulis partibus concitant, secretionem promovent.

STIMULANTIA *Tonica* vero, vasorum systolen augentia, circulationem generalem minuere, san-

\* Vid. Gaub. Inst. Pathol. § 48. et De Gorter compend. med. tract. 86.



guini in singulis partibus resistere, secretiones minuere, et cohibere comperientur \*.

PRIMO intuitu, absurda videbitur haec Stimulantium divisio, vel in unum principium, tam diversorum, operandique modo inter se discrepantium medicamentorum resolutio; nisi, ut ante fufius dictum modoque repetitum, in memoriam revocetur; haec phaenomena, quantumvis secum pugnancia, ab aucta vi nervea utrumque oriri. Ita divisio ob illas rationes, nec, ut credo, inepte, stimulantibus; haud parvi res momenti sequitur, ob quam huic opinioni objici potest. Quippe quae discrimen inter stimulantia et adstringentia tollit; et medicamenta, pro diversis vulgo ha-

\* Cum haec de aucta vi nervea dissertatiuncula, in hanc stimulantium divisionem, quaecunque ea sit, nosmet primum induxerit; cel. De Gorter minime praetereundus; qui, quamvis in eandem divisionem non inciderit, certe his verbis, in capite de Stimulantibus haud obscure submonuit: “ In viventibus hominibus motus observatur duplex morbosus, unus qui fit alterna constrictione et relaxatione, alter in constrictione perstat. Hos Clonicum et Tonicum vocant. Medicamenta quae utrumque, vel alterutrum, sua applicatione vel ingestione in villis motricibus concitant, *Stimulantia* seu *Irritantia* dicuntur.” Quamvis vero in hanc sententiam loquutus est, tamen adstringentia medicamenta nullo modo hos motus tonicos efficere animum advertit, eosque ad acrimoniam aut potentiam dolorificam referre videtur. Vid. De Gorter, compend. med. tract. 86,

bita,

bita, diversisque orta principiis operari credita, confundit. Ut hanc rem prius constituamus quam ulterius progrediamur, in operationem medicamentorum quae adstringentia dicuntur attentius sigillatim disquiremus; utque conveniat eorum actio, cum doctrina de Stimulantibus jam dicta, quantum in nobis erit ostendere conabimur.

Cum observetur quasdam substantias, animalis cadaveri adplicas, vi id contrahendi et constringendi, sive ut partes ejusdem propius inter se accedant efficiendi, praeditas esse; multi existimaverunt, istiusmodi substantias, medicinae causa, vivo corpori admotas, sine respectu vitalis proprietatis, idem, pari modo, efficere. Quae opinio quam falsa sit, vel hinc patebit, si in vivi animalis fibras, vasaque aliis proprietatibus praedita, aliisque legibus, quam quibus materies habetur, subjecta, motumque et contractionem sibi propriam habentia, operationem fieri reputemus: et quamvis verum esse potest adstringentes substantias, quales designamus, in statu admodum concentrato, eandem in vivum corpus, quam in mortuum cadaver, vim exercere posse: nobis, utcunque sic admotas nocere; omnesque, in re medica adstringentes, tum demum, ubi vim nerveam, adfecerint, effectum suum proferre, videtur. Ut hoc confirmetur, attendamus modo ad exiguum quantitatem,



quantitatem, qua quid efficiunt : deinde videamus eademne aceti, aliorumve acidorum, quantitas, quae vivi animalis os constringit, mortuum pari modo afficiat ? Praeterea hae parvae Medicamenti portiones, non modo partes quibus admoventur, sed vicinas etiam, et remotiores, cum quibus consentiunt, afficiunt. Itaque tactâ alumine extremâ linguâ, totae fauces corrugantur ; parva tosti rhabarbari quantitas, in ventriculum accepta, diarrhoeam sistit ; sp. vitr. et pulvis stypt. notam habet potestatem haemorrhagias in utero, remotioribusque partibus cohibendi ; gelida aqua cuti admota idem, ut diximus, efficit. Eademne igitur quantitas hujusmodi substantiarum similiter, an omnino cadaver afficere posset ? Id minime credentes asserere non dubitamus, haec exempla hanc prorsus opinionem tollere ; atque adstringentia in vivum corpus ac in mortua animalia diversimodo operari, comprobare : contraque, tum demum, ubi prius vim nerveam, magnum contractionis in vivo animali exordium, affecerint, aliquid efficere, palam demonstrare. Quo probato, altera fit quaestio, vîne nerveâ augendâ an imminuenda in eam operantur ? Imminuenda responderit fortasse aliquis ; “ eandem enim his, quam sedativis, potestatem  
 “ esse, evacuationes, haemorrhagias, aut diarrhoeas  
 “ coërcendi ; scilicet, si hae evacuationes, a ni-  
 “ mia vîs nerveae determinatione, oscillatorios au-  
 “ gente



“ gente motus, augeri putentur, ad motus hosce  
 “ sedandos, evacuationesque sistendas, vim nerve-  
 “ am necessario cohibendam.” Hujus opinionis  
 ut vanitatem exponamus, quod plenius jam dixi-  
 mus, supra repetendum: scilicet, quamvis imminu-  
 ta vis nervea, vehementem humorum fluxum  
 inhibeat, vel, naturalem omnino tollat; nihilo  
 minus quamlibet secretionum, a quadam auc-  
 tae hujus vis conditione, obstrui posse, multa  
 demonstrant. Affectiones spasmodicas talem  
 praestare effectum prius ostendimus: gelida eti-  
 am aqua, ut vidimus, procul dubio stimulat,  
 attamen in haemorrhagiis aliisque evacuationi-  
 bus sistendis, quantopere adstringit? Haec  
 maxime nos ad credendum impellunt, agere om-  
 nia, Stimulantia vim nerveam augendo: quodque  
 vel opinionem confirmat, eadem medicamenta  
 diversos vasorum, quos diximus, affectus, per auc-  
 tam eam, gignere videmus: itaque frigida corpo-  
 ri admota et aperiunt et constringunt; unoque  
 tempore diarrhoeas forsitan inducunt, mensium-  
 que cursum impediunt: cortex peruvianus inter-  
 dum alvi dejectionem, interdum constrictionem  
 gignit; acetum aliaque acida oris et labrorum  
 vasa, constringunt, in ventriculo stimulant, cibi-  
 que desiderium adferunt: aq. calcis quae alvum  
 plerumque adstringit, urinae fluxum intendit.

NOTANDUM

*Adstringentia*

NOTANDUM tamen, quamvis modo operandi tantopere discordent haec medicamenta, idem tamen, uno intuitu, utraque efficere: Stimulantiaque istiusmodi revera esse sedativa, cum iisque in minuenda fibrarum mobilitate convenire. Hic vero effectus, respectu systematis, idem cum illo, qui, his partibus, in evacuationibus comprimendis, contingit, comperietur; quibus, a mobilitate vasorum, pendentibus, sive sedativis, sive adstringentibus utamur, utroque modo hanc mobilitatem minuimus. Quod si opium pariter ac cortex peruvianus, interdum febris intermittens, (quae magna ex parte a nimia systematis mobilitate pendere videtur) sistere impetum perspectum sit; hoc non minus facile explicatu est, quam, quod utrumque medicamentum et diarrhoeam sistat atque alvum adstringat. Hic enim, si intestinorum mobilitatem, ab iis minui ponimus; illic, totius et systematis fatendum est.

MOBILITATEM vidimus a quadam vis nerveae determinatione, nimis eam motui obnoxiam reddente, pendere. Quae tamen determinatio ea tantum vi praedita est, quae oscillatorios motus, systolen et diastolen vasorum augeat. Cum fibrae naturalis irritabilitas, in iusta systoles et diastoles motuum velocitate, in aequilibrioque inter has posita sit; pone adesse mobilitatem,



mobilitatem, cum sanum statum restituimus, quod et sedativis et adstringentibus facere licet, necessario restituenda est eadem vasorum conditio, idem tensionis gradus firmitudini aptus; facilis intellectu effectus; verum cum operandi modus eorum plane sit oppositus, si in usu etiam pergamus, in effectum non minus oppositum incidemus. Ad tensionem robori et firmitudini necessariam conservandam, nemini dubium esset opione an cortice uteretur: quibus tamen nimium adhibitis, ut sedativum vim nerveam usque diminuens, diastolen fibrarum plus quam systole parem efficit, relaxationem atoniamque infert \*; contra adstringens sive tonicum stimulans, vim nerveam augendo systolenque urgendo, plus quam diastole parem hanc reddit, cursuque temporis nimiam tensionem, strigositatem et rigiditatem adfert †. In summum, opinor, adstringentia, haud immerito pro Stimulantibus haberi posse; quae, cum in systema derivatur operatio, *tonica* adpelles; cum vero excretoriis aut partibus evacuantibus contineatur, *sistentia* haud inepte nuncupes; itidem ut Clonica Stimulantia, eodem pertinentia, *aperientia* dicuntur ‡.

\* Jones on Opium, chap. vi. † Huxam on fevers, p. 30.

‡ Cum effectus Stimulorum Clon. et Ton. paulo ante attingerem nomina quae singulis dari vulgo solunt, addere oblitus sum. Operatio Clon. Med. moventia, cardiaca, calefacientia, aperientia, rubifacientia, suppurantia, vesicantia, complecti videtur; ad Tonica autem, roborantia, vel tonica ita proprie dicta, refrigerantia, repellentia, sistentia, referenda omnia videntur.



HAEC de adstringentibus necesse habuimus differere, ut calumniis, quibus sint exposita, obviam iremus, vimque iis stimulatricem vindicaremus.

RES jam postulare videtur, ut substantiarum in re medica quae ut stimulantia agunt, sive Clonica seu Tonica, proprietates attingamus.

STIMULANT vero, ut videtur, acria fere omnia, volatilia, aromatica, spirituosae, calidae, frigidae, amarae, acerbae, austerae: haec quatuor Tonica, caetera priora Clonica Stimulantia sunt habenda.

Hoc tamen plerumque tantum fit, nam aliud saepe in aliud convertuntur. Auctam vim nerveam vidimus proprietate praeditam evacuationes vel augendi vel sistendi. Pari modo Stimulantia Medicamenta, quoniam augendo hanc vim agunt, tamen etsi sua natura vel huic efficiendo vel illi sint aptiores, nonnunquam utroque modo operantur. Itaque adstringentia saepe ut aperientia, ut ante vidimus, egerunt: reque ipsa, nonnulla sunt Medicamenta, quae quocunque modo adhibita, hoc utrumque insigniter efficiunt; quo in numero, rhabarbarum post evacuationem in eo statu intestina relinquit, quae constipationem aliquando molestam adferat; contra, Medicamenta, quae vulgo cum oscillationis modum, a quo aucta circulatio et secretio pendent, instigant, in quibusdam dosibus validiorem systolen, contractionem, spasmum effecerunt;

effecerunt ; certe quidem, cum talis fit in corpore affectus, ejusmodi stimulo vulgo tribuitur \*.

RES nunc postulat, ut ante memorata de aucta vi nervea ad actionem Stimulantium Medicamentorum convertamus ; nisi contra curiosi fortasse postulent, ut in causam, cui adscribendum sit, quod hae substantiae sic praefinitae et distinctae hanc stimulandi fibrarum animalium potestatem obtineant, inquiramus. Si quid de tam subtili argumento dicturi simis, difficultates tantummodo inde secuturas, nosque in cujuslibet de hac re opinionis diffidentiam deducturas, exponemus. Et quidem inquirere, cur quaedam substantiae aut Medicamenta fibras animales stimulandi potestatem habeant, alia non habeant, idem nobis videtur, ac si inquireretur, cur ita nasum et fauces imprimant, ut a se invicem, ab aliaque materie distinguantur : vel denique, cur quaedam in natura substantiae, alia huic, alia illi sensui proprie sint objectae. De singulis, quae sen-

\* Ad connectionem inter Clonicos et Tonicos motus animum ante non advertens mirabar, cum comperissem Medicamenta quaedam, quae vulgo tantum aperientia existimantur, nonnunquam rhabarb. instar tantopere tamen agere : mihi ipsi salibus neutris praesertim aquâ marinâ purgato, constipationem fieri saepenumero inveni ; nec id propterea quod a longo usu hujus remedii destiteram, sed cum tantummodo semel aut bis omnino sumpsissem.

suum organis objiciuntur, stimulisque ad singulas corporis partes admotis, dici potest, non oportere qualitates, ut absolutas, positivas, ipsisque corporibus inhaerentes, haberi, sed tantum corporum, ad quae pertinent, respectu; ad materiam enim, perinde ac ipsae sunt, inanimam admotae, nullum istiusmodi vel potestatem, vel proprietatem ostendunt. In certis etiam animalis systematis casibus nihil ab aliis in natura substantiis discrepare videntur. Os atque nasus nonnunquam gustandi et olfaciendi omnino sensibus destituuntur: singulaeque corporis partes motum saepenumero a nullo prorsus stimulo suscipiunt. Cum ejusmodi casus et conditiones partium animalium ab extincta nervea sentiendi vi oriantur, ad hanc vim, velut medium stimulos et eorum effectus connectentem, decurrendum est. Cumque certae tantummodo substantiae reperiuntur, quae hanc sensus ita imprimendi fibrasque animales afficiendi potestatem fortiantur, necesse habemus discrimen aliquid inter earum fabricam et constitutionem et caeterarum substantiarum ponere. Idque discrimen in magnitudine, figura, motuque partium, diversove particularum situ, seu qualibet alia re ponere licet; caveamus modo, ne ad quamvis, quam positus hic mechanismus in solida animalium, dempta vi nervea, exercere putetur, potestatem, operationem earum referamus.



mus. Nam superiori tempore dictum est quaedam adstringentia corporibus inanimis admota constringendi potestatem habere; quod quidem certae partium dispositioni similive cuidam tribuendum; sed, cum vivo corpori similia contingunt, nullum mechanismo relictum locum videmus; eademque adstringentia partes animalium vivorum, affecta proxime vi nervea, constringere dicta sunt; Clonica vero Stimulantia pari modo omnia agere, non analogia solum ratioque jam nunc prolata ostendunt, sed eadem argumenta quibus de adstringentium actione usi sumus, hoc quoque confirmant. Illa enim, dosibus mortuum non afficientibus, vivum corpus, ut diximus, afficiunt; quamvis igitur stimuli mechanici dicti magnitudine, figura, partiumque firmitudine constantes, corpori vivo admoti, per distractionem partium solutionemve continui, dolorem, convulsionem, caeterosque effectus, quos chemici stimuli supra dicti, edere possint; si tamen isti chemici stimuli iisdem dosibus, quibus solida viva admoti tantopere conturbant, omnino mortua non afficiunt, quis locus dubitationi relinquitur, in hoc ultimo exemplo diversè eos a mechanicos stimulo operari? Hujus rei eo magis veritas elucebit, si reputemus quosdam esse stimulos, qui et mechanici dici possint, nec ulla tamen partis proxime affectae mutatione mechanica facta, operari sint putandi;

ita lenis faucium titillatio ad vomendum impellit : Lenis sensilium partium tactus totum corpus convellit ; nec defunt exempla, quae violentes ructus, simpliter tacta cuti, concitari doceant : reptationis infecti vermiumque in primis viis effectus, eodem pertinent. His analoga alia sunt inter stimulos, qui chemici dicuntur, ubi omnis acrimoniae abest suspicio. Itaque aër aquave in cor morientis animalis immissa actionem vivam redintegrant \* : aqua etiam in hydrophobia hausta, violentes creat convulsiones : mitissima, organis muco privatis auctave alias sensilitate, admota, eosdem aut violentiores effectus, quam acria in naturali statu, edunt : lux oculi pupillam contrahit. Revocandi etiam in memoriam animi affectionum effectus, aliaque ejusmodi compluria quae oscillationes et contractiones fibrarum animalium, aliis modis, quam quos philosophi concedunt, posse induci, satis superque demonstrant.

HAEC omnia quo minus arbitrium nobis de stimulorum, sive mechanicorum sive chemicorum, natura judicandi sumamus absterrent ; neque, ut potestatem stimulantium ad notam quamlibet causam referamus, permittunt ; neque conjiciendi quidem, quae sit fabrica aut constitutio medicamentorum, a quibus discrimen inter Tonicas et Clonicas potestates pendet, libertatem relinquunt. Postremo,

\* Vid. Whytt's Ess. on vital and involun. motions, p. 61.

Postremo, cum omnino simus ignari naturae et proprietatum, quibus praedita sit vis nervea, haud minus incerti videmur de natura et proprietatibus eorum in natura corporum quae in hac mutationem efficiunt: certe, si qua observando comperita tenemus, quae huic indagationi faveant, subtiliores proprietates, quam quae a figura situve particularum nasci sint putandae, subtilioresque, quam quae multis seu potius plerisque, quas in re medica adhibemus, substantiis inesse sint existimandae, ostendunt.

IN summum, eo sumus ignorantiae redacti, ut sicut, unde quibusdam sit medicamentis vim nerveam cohibendi proprietas, penitus nescii sumus, ita, unde aliis hujus excitandae sit facultas, fateri cogamur non melius forsitan nosmet callere.

HAEC, quamvis longe abest ut satisfaciant, omnia sunt, quae in hac re dicere possumus; nunc ad propositum, quoniam id tempus postulat, redeamus; dictasque caeteras res, quatenus ad vim nerveam pertinent, ad operationem stimulantium medicamentorum adplicemus. Hic vero notandum, quoniam generaliter argumentum tractamus, quod deinceps dicturi sumus, de stimulantibus utriusque generis supra memoratis, pariter intelligendum.

UNDE



1. UNDE unde stimulant cujusque medicamento pendeat potestas, ad connectionem ejus cum sensibilitate attendendum: cumque omnes corporis partes sensibiles et irritabiles sint, generaliter dicendum, stimulantem substantiam in omnes unam operari. Itaque, quod ventriculum stimulat, intestina purgat, urinam exprimit, &c.

2. GRADU potestatis aut firmitudinis cujusque substantia stimulantis dato, effectus, pro ratione sensibilitatis aut irritabilitatis partium, sequuntur; siue eam quae proxime adficitur, siue alias inde remotiores spectes: nasus, os, ventriculusque magis, quam caeterae, stimulum patiuntur, majoremque in systema potestatem sibi vindicant.

3. UT in singulis sit partibus, ita systemata, prout maxime sunt irritabilia, maxime stimulum sentiunt. Notum satis, pueros, omnium generum stimulis, facillime adfici: hinc circulationis, in hac aetate, velocitas secretionumque copia: hinc parvae stimulantium portiones, vel ad secretionem augendas, vel ad systema stimulandum satisfaciunt\*.

IN adultioris aetatis hominibus, ubi mobilitas  
siue

\* Si quando sit, ut ad infantes purgandos, largiores portiones cathartorum, quam ad ipsos adultos, requiruntur, generalis regula

sive totius corporis sive cujuslibet praecipue partis praevalet, stimulorum praeter consuetudinem effectuum insignia sunt indicia. Hinc violens vesicatoriorum operatio, cum in partibus ad quas applicantur tum in urinario transitu. In ejusmodi systematibus, necesse est nonnunquam suppositâ nebulâ lineâ applicari vesicatoria: quod ubi fit, eodem modo, quo in aliis, operantur. In iisdem hystericum emplastrum vesicatoriumque idem agunt. In quadam muliere, emplastrum commune cuiusvis corporis parti admotum molestissimas accendere inflammationes, compertum habeo; idemque sed multo violentius efficere basilicum unguentum ulceratae cuilibet parti adplicatum: nec aliud sane in causa est, quod titillationis in nonnullis hominibus adeo violentes sint effectus. In ejusmodi systematibus similia interne inveniuntur; parva vini spiritus potio, temporis puncto quo in ventriculum accipitur, rubore vultum suffundit; aliorum manus inflammatae ardent tali ingesto; et si qua corporis alia pars ulcerata sit, pariter, ac si proxime tacta fuisset, adficitur. Novi mulierem quae quinque granis rhabarbari facile

gula nihilo secius valet. Hoc enim fit non quod minus facile stimulantur eorum intestina; sed, quod magnâ muci copiâ actio hebetatur. Denique quoties stimuli intus operantes minus quam pro ratione irritabilitatis agunt, ab eadem causa toties oriri videtur.



purgatur : quae si quando diarrhoeâ laborat, eadem tosti rhabarbari quantitas non minus eam facile cohibet.

4. Hucusque videtur, caeteris paribus, actionem stimulantium pro ratione organorum sensilitatis fieri, verum temere non adhibenda est regula. Constat enim stimulos et organa alia, inter se ratione, nec sola partium sensilitate, connecti. Est quoddam in organorum habitu singulare, cum certo quodam in Medicamento fortasse connexum, quod, (velut *je ne sçai quoi* in amore) propriam inter utrumque affinitatem conjungit : fieri potest, ut haec affinitas a quadam Medicamenti occulta qualitate oriatur ; sed si, prioribus exemplis repetitis, simplicissima saepe violentissime agere adverterimus ; eundemque stimulum varie pro variis hominibus operari, nec pro hominibus quidem, sed pro variis ejusdem hominis vicibus, reputaverimus : certe hanc potestatem unius organi alio magis stimulandi, in plerisque saltem rebus, a quodam irritabilitatis in ipsis organis modo pendere opinabimur ; quam opinionem, ni fallor, confirmabunt quaedam singularia, de qua loquimur, potestatis stimulatricis exempla.

PRIMUM igitur sumus ostensuri hanc potestatem omnibus esse systematibus communem : deinde



de singulares habitus, in quibus maxime praevalere conspicitur, monstraturi.

I. INQUIRENDUM est quatenus haec in naturali solitaque corporis oeconomia valeant. Quem ad finem necesse est ut supra dicta repetamus: “Cum singulae corporis partes vi movendi praeditae sint, stimulo fluidorum rerumve iis admotarum, hanc vim excitari, ut varios oeconomiae usus praestet.” Addendum ulterius, singulis corporis organis singula, ut videtur, in conditione aut habitu sibi propria inesse, quibus (sive natura ita comparatum sit, necne, nihil refert), singulis stimulis praecipue coaptentur; singulosque motus actionesque, quibus ad recte functiones peragendas incitentur, maxime capiant. Hinc, ut videtur, fit, ut mitissimus cibus, exempli gratia panis, nonnunquam salivae fluxum faciat; idem, parti non minus sensili, naso admotus, ne minime quidem eum tangit.

IN mentem venire potest, acrimoniam cibi vulgaris, aëris mixturam, actionem diaphragmatis musculorumque abdominalium, &c. manifestum satis stimulum, ad necessariam ventriculi actionem excitandam, praebere: neque indagantes ad intestina usque alimentum fortasse dubitabunt, quin, ibi etiam, admixtis aliis liquoribus, bileque praecipue,  
fit

fit idoneus, ad omnes intestinalis oeconomiae usus praestandos, stimulus. Quibus non negatis, nihilominus contendimus, alimentum, absque dictorum ope, planeque a qualibet sensibus detegenda vi stimulatrici distinctum, canali per quam transit adeo esse affinem, ut hinc motus peristaltici magno harum partium officio necessarii, magna ex parte, judicari modus possit.

Ad hoc confirmandum, missa analogia, attendendum modo ad variorum animalium varium cibi appetitum; et singulos singulorum, ejusdem generis, nostri v. g., sapores; dein consimiles diversorum et inter se discrepantium ciborum in primas vias effectus: postremo, perturbationes et pericula, quibus non tantum primae viae, sed totum systema, expositum sit, mutato cibo quem vel habitus naturâ cupiat cuive diu assueverit. Proxime dicendum est de affinitate quae chylô cum lacteis intercedere videtur: quamvis enim probare, quod verisimillimum est, esse hic electivam absorptionem nequeamus; concedere debemus chylum specialem stimulandi lactea vim obtinere, quatenus huic non negamus liquori, tamen etsi sua natura mitissimus et blandissimus sit, haud parvam inesse vim, motum sui per vasa lactea ad cor promovendi. Idem de sanguine dici potest, qui linguae oculisque admotus quanquam minime stimulare videtur, dubium non tamen est, quin



quin cor arteriaque adstimulet \*. Quae ut ad organa usque secretoria, ubi desinunt, prosequamur; cum horum vasculorum oscillatorii motus a stimulo fluidorum per ipsa vascula transeuntium pendeant; nonne verisimile est, hoc discrimen secretionum, a minutissimo altero in fabrica aut irritabilitate singulorum organorum diversis modis oscillationes fingentium, magna ex parte, pendere? Hoc temere non est rejiciendum, neque pro figmento animi vano habendum. Certe enim conveniet eidem a nobis alibi admissa deque aliis rebus principio. Insignes fluidorum in eodem saepe excretorio mutationes, vix ulla de secretionem haecenus allata theoria explicandae videntur. Diversus oscillationis modus necessario positus est. Nihil tamen prohibet quo minus aequa ratione ponamus, naturam ipsam potestatem oscillatoriam excretoriorum et secretoriorum organorum ab initio sic finxisse, ut singula iis fluida diversarum qualitatum attribuat; quam, ut existimemus, unum horum organorum ejusmodi oscillationibus esse obnoxium, ut, diversis temporibus, diversorum qualitatum quam quae inter secretos corporis liquores inveniuntur, fluida transmittat †. Nec magis mirum est

\* Essay on vital and involuntary motions, sect. 3.

† Hoc in hysterico morbo spectatur, ubi, ut Sydenhamus animadvertit, viridis porraceus vomendo avellitur humor; idemque capitis vulneribus accidit. In gonorrhoeis quam insigniter tum in colore, tum in consistentia immutatur mucus videmus; eademque in naturalibus gonorrhoeis, testanti Culleno, videntur. Novi hominem hilari admodum ingenio, qui in dolore,



est eas praecipuas oscillationes, unde fieri potest ut discrimen secretorum liquorum multum pendeat, eodem semper sanguine in diversis partibus secretioni exposito, excitari; quam, eandem substantiam ad diversas partes adplicatam diversos vasorum affectus edere; eundemve in diversis excretoriis stimulum unicuique proprium fluidum excernere.

CONATI sumus monstrare singulis in oeconomia animali stimulis specialem in proprias partes potestatem esse. Jam memoratis, unum praeterea de hoc in genitalia effectum imprimis referendum accedet. CL. HALLERUS, nulla hic experimentorum ratione habita, praecipuam genitalibus irritabilitatem tribuens, lascivas putavit ideas maxime ad stimulandum idoneas. Nemo inficias ibit quin ejusmodi ideae propriam in has partes vim teneant, sed ipsa fortasse operatio anceps fit. Ad concitandum enim earum impetum quaedam ipsarum partium conditiones et casus, magna ex parte, requiri videntur. Quippe haud raro fit, ut visus et recordatio rei lascivae oculis animove oblatae, non magis, ad lubidinem accendendam, quam grati cibi visus aut memoria satiato aut turbato ventriculo, ad desiderium hujus alliciendum, valeant.

et luctu ob amissos amicos, similemve casum, urinae fluxum violas adeo spirantem fere semper resolvit, ut ab omnibus qui adsint persentiat.

UNDE videtur propria harum partium irritabilitas a propria admodum femini actione certius deduci posse. Nam, ut D. WHYTT observavit, idem hic liquor caeteris corporis partibus admotus eo minime adficit. Sed ad actionem ejus in vesiculas feminales testesque, referenda sunt mira illa insigniaque phaenomena quae ab adulta aetate incipiunt, nostrumque deinde sexum certissimo discrimine distinguunt \* ; quae res actio testium regiminis apud V. HELMONT. dicitur.

CUM partium harum specialem irritabilitatem attigerim, et HALLERI necessario mentionem fecerim, quod ad propositum hujus rei finem perducit, cursim praeterea dicendum ; si praeclarus ille vir attendisset quasdam modo partes a quibusdam stimulis adfici ; quotiesque quamque praecipuam in corpus exerceat animus potestatem, plurimis doctus exemplis, animum advertisset ; certe, ab experimentis in brutis animantibus tentatis, de humano corpore, non tam facile judicaret ; saepiusque, quam instituit, corporis partibus, ubi nullo modo experimentis probari res potuit, irritabilitatem concessisset. Illius experimentis D. WHYTT phaenomena in animi affectionibus, admotivae medicamentis, occurrentia prospere satis opposuit. Haec res, et aliae ejusmodi quae citra dubitationem omnia corporis irritabilia haberi posse † probant, caeteras cupiditates et affectiones

\* Ess. on the vital and involuntary motions, p. 50.

† Dempis forsitan unis unguibus atque capillis.



omnes fortasse, praeter unam veneream a HALLERO memoratam, specialem in corporis partes vim tenere, pariter ostendunt. Itaque pudor rubore vultum suffundit, &c: de quo, cum multa sint quae in corpus animi potestatem indicant, caeteris omissis, hoc solum dicemus; quamvis hujus organi in brutis animantibus explorati musculi cutisque nihilo magis irritabiles, quam caeterarum partium, videntur; nemo ignorat quanto vultus humanus citius et facilius, quam caetera membra, stimulo animi commoveatur; quamque vivis in vultu coloribus omnes cupiditates, omnes affectiones praecipuae et cogitandi modi depingantur\*.

ITA fusiore, quam institueramus, sermone, de singulis in corpore stimulis et eorum specialibus in propria organa effectibus, differuimus. Ut omnia nunc magis sint illustra et simul in proposito pergamus, memorandum praeterea, secundum ea quae in oeconomia animali fiunt, esse certas in natura substantias, certa medicamenta, quorum stimuli certis organis praecipue aptenter. Aliisque ventriculi stimulandi esse medicamentis pro-

\* Siquidem Halleri de irritabilitate sententiam usque repudiatam leviter reprehendi; spero neminem id eo factum existimaturam quod alteris temere partibus, jurans, ut aiunt, in verba magistri, subserviam; aut turpem miseramve melioris criminandi gloriolam sequar; si haec animo vitia sint, eorum minime conscius sum.



prietatem, alia ad intestina natura sua tendere, usu periculoque facto, compertum est. Hinc stimulantium in emetica, cathartica, diarrhoetica, diaphoretica, salivantia, sternutatoria, &c. divisio. Nec desunt ejusdem specialis proprietatis praeter consuetudinem documenta. Itaque nonnulla cuti aut vulneribus admota venena haud quaquam sunt molesta, quae utcumque ventriculum violentissime miserrimeque adficiunt.

2. QUOD in hoc capite polliciti sumus de speciali stimulorum in organa corporis potestate absolvi-  
mus, eaque omnibus communi systematibus com-  
perta, cum singula corporis singulos stimulos for-  
tiantur, sive quibus oeconomia instructa est, sive  
quos medicina suggerit, spectemus; proxime sumus  
monstraturi, certos praeterea habitus, quos natura  
certis inter se cognationibus sui generis conjunxit;  
ita, ut quaedam stimulantia aliter eos, ac caetera,  
adficient. Huic idiosyncrasiae specialem ani-  
mi affectionum operationem; praeterea, nonnullor-  
um ciborum, ut piscium, ovorum, caseique, &c.  
effectus; huic etiam mirum ad animalium quorun-  
dam conspectum aut vicinitatem horrorem; postre-  
mo medicamentorum nonnullorum insolitam actio-  
nem tribuimus.

HACTENUS de operatione stimulantium medi-  
camentorum in partes quibus admoventur dixi-

mus; restat, ut dicta jam de partium consensu sequentes, quomodo remotiora afficiant, dicamus.

1. Si quomodo levissimae affectiones plenius in consensu partium memoratae propagentur in mentem revocemus, nullus in uno seorsim loco agere stimulus existimandus; neque quisquam, cuius non sentiant vim aliae partes cum ea cui primum admoventur connexae, reperiendus. Inter Clonicos stimulos nonnulli tamen inveniuntur, quorum effectus, dolore et inflammatione partis cui admoventur, diffundi solum videntur. Aliorum vim puncto temporis quo adplicantur per totum ire systema verisimile est. Illorum lenta operatio permanet; horum subitanea cito transit. Itaque caustic. alcali fixum naso admotum ventriculove acceptum dolorem instigat, partes inflamat, febriles convulsiones producit, affectusve non cito desituros inducit. Contra alkali volatile vinumve generosum sic adhibita gratum vis nerveae in loco affecto impetum excitant, per totum systema diffundunt, proque tempore calore et vigore totum corpus recreant.

2. In consensu superficiali, stimulantium externis admotorum in interna effectus memoratus. Hinc complurium eodem pertinentium operatio explicabilis; dico de frigidi balnei frictionumve roboratricibus



roboratricibus virtutibus; quibus accedunt e topice adplicatis adstringentes aromaticive fots ventriculo admota emplastra.

3. INTER topice, quae dicunt, adplicata complura occurrunt, quae interna ita afficiunt, ut anceps videatur, acceptane in circulationem inde ad partes oblata, an concentu quodam inter affectas partes easque quo adplicantur, operentur? Hanc ancipitem operationem indicant nicotiana ventriculo admota vomitionem cogens, et cataplasmata e sapone et ol. succini ventre applicata tanta urinae fluxus copia resolventia, ut hydropi haud inepta existimentur. Quibus fortasse addi possunt alii manu tractati oleique terebinthini diureticae facultates, stimulusque urinariis viis vesicatorio cuivis corporis parti adplicato contingens \*. De sympathetica operatione complura dici possint; sed hoc curiosis relinquendum, et ad propositum redeundum duximus.

4. Iis rebus freti quae consensum ventriculi cum universo systemate tam manifeste indicant, stimulos quosdam, qui in hoc organum operantes totum afficerent systema, enumeravimus.

\* Tumoresne glandularum, quae vesicatoriis admotis confines sunt, ab irritatione cantharidum parti incumbentium, an ut illustrissimus Monro filius existimat, ab iisdem in vasa lymphatica absorptis oriuntur? Vid. Diff. de ven. lymph. valv.



VERUM de hac re accuratius paulo indagare operae pretium fore existimavimus; nam si animum ad ipsas res advertamus, plerorumque stimulantium sicut et sedativorum hic versari operationem non sine gravi causa autumabimus. Quorum nonnulla in ventriculum agendo suos edere effectus, certissimo indicio constat. Indicium est, quod, adhibitis quae obtundunt, leniatur aut impediatur eorum operatio; quodque, ejectis ipsis, continuo desinant effectus. Id quod in nonnullis medicamentis, scilicet cortice Peruviano, venenis acribusque satis apparet. Vimque universalem in ventriculum acrium corrodentiumque HOFFMANNUS \* et BAGLIVIVS † reputantes, si analogiae ratio sit habenda, idem minori gradu in aliorum stimulantium operatione fieri posse existimaverunt; quae analogia, naturam operationis, subitos effectus, dosi-umque exiguitatem reputantibus, haud aliena videbitur.

1. DE duobus prioribus in systematico latiorive stimulantium operatione, supervacaneum esset aliud pro hac opinione, quam ipsas res, memorare. Qui enim alia ratione quam per ventriculum affectum fieri posset, ut hausta nonnulla medicamenta temporis puncto spiritibus alacritatem, cordis mo-

\* Vid. Hoffman. op. v. 1. sect. 1. cap. v.

† Bagl. de fib. motr. cap. ix.

tui vigorem reficerent, capitis dolores levarent, manum tremebundam firmarent, totum corpus roborarent ?

2. CÆTERUM quod ad exiguitatem dosium attinet, haemorrhagiae a spir. vitr. compressae sint exemplo. Hic si exiguam portiunculam adhibitam spectemus, eamque cum alio fluido dilutam, prius quam ad partem affectam perveniat, cum fluidis in ventriculo miscendam, longiusque in primas vias dividendam, chylo et refluentibus in thoracico ductu lymphis jungendam, inde in coagulatim infundendam, hinc in sanguinem diffundendam, aequaliterque circulatione distribuendam; haec omnia reputantes nulla ratione hos ejus effectus turgente sanguine suppresso affectivae vasis materialiter impulsis fieri posse putemus \*.

3. EADEM de argumenta diaphoreticorum et sudorificorum medicamentorum actione etiam magis valere vastum hic excretorium reputantibus videan-

\* Haec ex praelectionibus cel. Culleni de compressione haemorrhagiarum dixi; qui, ut a nimis hac vulgari opinione caveretur, dictis argumentis disertissime inculcatis, mutari fluida parvis medicamentorum dosibus negavit. Quae argumenta, si quis aequi judicii examini subjecerit, non modo quod ad has doses attinet, approbabit; sed cum eodem viro, an omnino fluida, vel in qualitate vel in consistentia, quibusvis medicamentis, nisi alimenti loco diutiusve adhibitis, mutantur, in summam dubitationem veniet.

tur.

tur. Et quamvis dubium non est, quin stimulis in ventriculo cor adficientibus sudor nonnunquam exprimatur; nihilominus, ut ex indiciis ventriculi cum superficie consensus patet, oscillationes exiguorum in superficie vasculorum augeri, sudorque deinde diaphoresis inferri, vix vel ne moto quidem omnino corde, comperiuntur.

4. DE renibus agentes consensum earum cum ventriculo, exemplis jam adductis, ostendimus; operationeque medicamentorum diligentius inspecta, fortasse pluribus res confirmetur. Atque hoc modo sedativam vim item propagari ex uno ab opii virtute petito exemplo invenitur; opium enim in hisce partibus spasmus urinaeque fluxum solvit. Cumque hujus rei atque remotiorum secretionum stimulationibus ventricularibus inductarum ratio, ad credendum nosmet stimulos proximo hic consensu in renes agere, magnopere impellit, quidam corticis effectus probare rem liquidissime videtur \*.

5. QUONIAM menstrua, quibusdam in ventriculum acceptis, e consensu hujus organi cum utero saepe occluduntur, cedo an unquam accidit ut pari modo aperta fuerint? Analogia inter vasorum geminum affectum, inhibentem hunc, solventem illum fluxus

\* Vid. Lond. Ess. v. 1.



hoc, ut verifimillimum fit facit ; eoque magis, quod complura, referre opium mensium cursum, spasmus dolore hoc malum inducente contractum solvendo, quae confirment non desunt.

6. STIMULI ventriculi et intestinorum tam systema universaliter afficientes oscillatorios motus vatorum cum secernentium tum absorbentium promovent. Hinc emeticum, sudorificum, aut catharticum, ut absorbentia hoc modo affecta fluida hydropis extravasata ebibant, efficit ; quae deinde in sanguinis motum accepta, viam sibi per intestina, cutim aut renes perrumpunt.

5. HAEC omnia systematicam stimulantium in ventriculo actionem docent ; iisque dosibus eoque operandi modo, augenda vi nervea et singulis cum eo connexis partibus, in hoc organum eorum fieri operationem demonstrant. Ad operationem stimulorum hanc legem adhibentes, si movendi modum ad partes consentientes propagari diversum ab eo, qui in proxime affectis versatur, viderimus, ne miremur ; de consensu enim partium dicentes hoc commune vidimus ; praecipuumque ejus indicium, frigidis superficiae admotis, peregrimus ; frigida enim una cum contractione in hoc loco operantia, evacuationes, ut dictum est, in compluribus intus partibus efficiunt ; praeterea medicamentorum, ab internis ad interna, indagantes effectus

fectus idem itidem fieri cernemus; horrorque evacuationes in primis viis comitans hanc superficiei constrictionem fere-efficere videtur. Contra accidit ut, in aliis constringendo, in aliis partibus fluxum aperiamus, ut in cortice fluxum urinae laxante comperitur. E mensibus peti posse aliud exemplum innuimus; sed prae caeteris hoc saepissime maximeque insigniter indicant haustae frigidae aquae effectus sudoriferi; qui consimili ratione fiunt, ac ejusdem aquae externis adplicatae in interna fit operatio. Salia neutra, atque acida pari modo agere videntur.

6. PROXIMO loco de consensu dicta est aucta in una parte oscillatio in altera auctam deprimere; id quod plurima de consensu superficiei cum primis viis memorata demonstrant. Hinc circulatio et secretio in superficie restituta primas vias determinandi vim tenent. Idemque in causa est quod diaphoretica in diarrhoea adeo sint utilia; quodque, quatenus a pectore derivent pectoralia item, sint. Atque hoc, quo pacto antispasmodicos stimulantium medicamentorum effectus explanemus, edocet. Reque ipsa, spasmodicum in una parte affectum a simili in altera tolli, quotidie in morbo hysterico compertum habemus: haec omnia stimulantium medicamentorum effectuum exempla eodem pertinent; oscillationibus superficialibus diaphoretica



phoretica medicina auctis, internis vasculis naturalem statum restituimus. Idem ipsum, eodemque modo externe adplicatis efficitur. Calidae vestes stimulant; quatenus in parvis superficie vasculis cum oscillationis modum, qui justo calore, circulationi, secretionique partis necessarius sit, conservant: harum usu saepe pectus levamus, saepe rheumaticos affectus tollimus; et vesicatoriis spasmos in primis viis dissolvimus: calidis emplastris, praecipue pedibus impositis, eadem aut similia fiunt.

His rebus moti, cum auctam vim nerveam, sive vasorum oscillationes augentem, seu spasmus quem dicunt creantem, minuimus, majore vis nerveae impetu in alias partes vel derivando vel per systema dispergendo, id plerumque effici colligimus. Nec tamen negari potest, quin sedativa medicamenta idem non minus efficere possint: immo, proxime minuendo vim nerveam, saepe vel sedant vel solvunt spasmodicos affectus. Reque vera, de nonnullis, quae in hunc usum adhibemus medicamentis, difficile est, stimulantia sint an sedativa, pro certo dicere. Sed de hoc quo minus attingam ratio temporis obstat.

II. CONSENSUM varium pro variis systematibus ostendimus. Idem fit in effectibus stimulantium medicamentorum. Hoc una cum dictis de singulis

H

partibus,



partibus, quae singulis stimulis praecipue aptantur, conjunctum, specificorum stimulorum fundamentum praebet.

12. NOTATU etiam dignum, cum consensus in eodem homine pro variis temporibus varius sit, stimulantium item operationem variam esse oportere. Quae res cum ita sit, sequitur ut, cum cujusque partis augetur mobilitas, ea pars facilius, quam ante, in consensum pertrahatur. Itaque stimulus in ventriculo vulnus ulcusve facilius, quam sinceram partem, afficiat. Eademque causa est, quod in mensium cursu uterus facillime laeditur. Inde cautum est, ne certis cibis aut medicamentis hoc tempore feminae utantur. Nec ad aliud sane nisi hanc vasorum pro tempore irritabilitatem referendum est, quod styptica haemorrhagias tantopere afficiant; e contrario, si cujus partis irritabilitas forte imminuta est, ea, ut in certis cutis crispationibus sit, cum calida ventriculo accepta sudorem exprimere nequeunt, stimulum minus patitur, id quod paralyticis affectibus itidem contingit.

13. QUENDAM sensilitatis aut irritabilitatis modum bonae valetudini necessarium ostendimus. Cum igitur, e crebrius aut violentius intenta vi nervea, naturalis tonus perierit, iusta irritabilitas  
 facessit,

faceffit, torpiditasque, qualis ea cunque fit, confequitur. Hinc ftimulantia omnium generum longius adhibita vim fuam perdunt : hoc in provulgata nicotianae ufu fatis indicatur, cujus quam violentes primi fint effectus, deinde diutius adhibita quantum nullo incommodo fumatur, nemo ignorat ; hoc idem melioris notae vinorum ufus vulgaris demonftrat, potare nondum affueto minores, eidem poftmodo ufu et confuetudine ferre Bacchum folito largiores hauftus accommodantur. Eadem de caeteris omnibus ftimulantibus dicere poffis, nec fingulae modo partes, fed et totum fyftema torpescere, debilitari ab iis fere femper inveniuntur ; ut vinolentis ufu venire quotidie videmus. Peritiffimus et doctiffimus RUTHERFOORD, qui medicinae praxin summa cum laude in hac academia docet, certiores nos fecit, omnium medicamentorum cathartica nimis praeter confuetudinem adhibita faeviffime in corpus graffari ; primas enim vias ftimuli naturalis minus fenfiles reddendo, alvum adstringunt, concoctionem prohibent, multisque inde orientibus malis fyftema perturbant. Quantum longior frigidi balnei ufus debilitet, ut ante memoravimus, ab HUXHAMO observatum eft.

Quod de ftimulantium medicamentorum doctrina propositum eft, tandem absolvi : cujus fiquis in re medica ufum quaerat ? ad hoc breviter respondere, quaeque

quaeque ex praemissis oriri, et ad praxin pertinere videntur paucis submonere conabor; eandem, quam ante, hujus rei tractandae rationem modumque, quantum id fieri potuerit, secutus.

## C A P U T III.

## MONITA PRACTICA.

Duos jam morbos vidimus quibus esse irritabilitas obnoxia dicatur: unum in nimio motu, alterum in deficiente, situm; quorum hunc *torporem*, illum *mobilitatem* appellari. Ut sanus status redeat, tensionem illam et firmitudinem quae justo motui peragendo necessaria sunt induci oportet. Huic rei, siue mobilem minuere seu torpidam excitare fibram velimus, stimulantia medicamenta unice aptantur. Verum cum stimulantibus medicamentis tensionem fibrarum semper augemus, in eo torpore qui in nimia tensione aut rigiditate situs est, eorum usus omnino excluditur. Quod ubi fit, qui in re medica summum usum et peritiam habuerunt, ne stimulantia adhibeantur monuerunt; et, ad restituendam irritabilitatem, sedativa relaxantia omnium generum adhiberi omnes voluerunt.

DE mobilitate atque torpore cum laxitate conjuncto,



juncto, prout jam memoratum, dici potest Stimulantia *Clonica* laxae torpidaeque, *Tonica* mobili fibrae fere aptari: in paralyticis affectibus, ubi maxima fit laxitas, acriter adplicata et calida stimulantia utilissima esse; idemque, torpiditati minori contingere, sive totum systema seu praecipuam partem adficiendi, videri. Cumque in his casibus stimulum fibrae minus patiantur, tardentur earum motus, ipsae languidae, circulatioque iners sit; ad idoneum irritabilitatis gradum reparandum, irritantiora stimulantia magis accommodantur. Rursus in mobili systemate, cum nimia sit irritabilitas, motusque velociores sint, stimulantia acrius irritantia, ut pote quae hunc motum et irritabilitatem nimium augerent, parcius sunt adhibenda: verum tensioni, strictioni, et firmitudini sani status reducendae, stimulantia tonica, e. g. cortex Peruvianus, frigidumque balneum summo solique usui inveniuntur. Si quo inter se discrimine mobilitas ac laxitas omnino distinguuntur, certe in usu stimulantium hoc valet; attamen quoniam utrumque stimulantium genus vi nervea augenda systoleque fibrarum urgenda agat; dubium non est, quin rite in utraque re utrumvis adhiberi possit, communemque eorum usum non idoneum modo, sed et necessarium esse, certissima experientia confirmat. Cum tonici stimuli tantummodo ad habitum mobilis systematis curandum, malisque multis inde

pendentibus

pendentibus occurrendum, valeant ; universis aliis affectibus quibus hoc systema sit expositum, praeter unas auctas evacuationes, tractandis habiliores clonici reperiuntur. Iterum si in fibra laxa et torpida, clonici stimuli quam tonici excitando motui magis sunt idonei ; aptiores vero tonici sunt ad illam tensionem figendam atque firmandam, unde naturalis pendet irritabilitas.

II. Cum ejusmodi toto corpore consensus poleat, ab affectibus symptomaticis semper cavendum, nec morbus ullus pro primario aut idiopathico prius habendus, quam ab alia parte turbata oriatur, necne, perspectum sit. Quocirca ad partes ubi hic consensus plurimum potest, et praeter caeteris ad ventriculum et intestina, quorum consensus omnibus in casibus tam late grassatur, summa cura attendere debemus: peccante materie in iis viis latente expulsa, gravissimos saepe morbos sanamus ; viisque deinde munitis et in idoneo tono servatis, magnam malorum cohortem corporis, cui semper imminet, ingressu prohibemus.

2. TURBATIO quavis in parte oscillatorijs motibus, ante memorata de consensu partium, sedandae rationem, affectis nempe aliarum cum ea connexarum motibus, designant : itaque, si qua parte frigori exposita perspiratio sit occlusa, naturales oscillationes omnino restituendae sunt ; si, ut saepissime fit,

fit, pedibus sic expositis occlusa fuerit, ut liber  
iis sanguinis motus restituatur, omnibus modis co-  
nandum: eadem ratione multa interna vitia fuga-  
mus; injectoque superficiei calore, multa ab aucta  
secretione pendentia interna mala expellimus; cel.  
RUTHERFOORD in clynicis praelectionibus haud  
semel memorat, lanco indusio dysenteriam, cae-  
teris medicamentis nihil agentibus, solo sanavisse.  
Eodem modo oscillationes cutaneas veficatoriis  
augendo, uterique ita vasorum mobilitatem minu-  
endo, immodicas ibi haemorrhagias aliquando co-  
hibemus. In omnibus spasmodicis affectibus, ubi  
pedes frigori sunt obnoxii, calefieri et servari ca-  
lidi, non modo laneis vestibus sed calidis empla-  
stris adjectis, diligentissime debent. Calor enim  
praeter naturam summo saepe commodo injici po-  
test. Cujus ipse in casu quodam praxeos utilita-  
tem perspexi; cum eò me natura haud obscuris  
signis direxisset, violentes intestinorum constrictio-  
nes, frigidis usque pedibus adauctas, inductis spaf-  
mis candoreque pedum comitante saepius suble-  
vans.

3. Si quibus in partibus alimentarii canalis mo-  
tus turbentur, sedare malum, auctis in aliis ejus-  
dem motibus, nonnihil videmur; ut vomitionibus  
alvi dejectionem, et illas hac tollimus.

4. CUM ventriculi consensus ubique corporis  
valeat, si qua systematis pars auctis oscillationibus  
spasmove



## 64 DE MEDICAMENTIS

spasmove laboret, auctis in primis viis oscillationibus, visve nerveae per eas majori impetu in alias partes derivato, tales effectus lenimus; id quod calefacientia efficiunt, quae spasmos in intestinis aut similia alibi demunt; intentisque intestinorum motibus et fluxu soluto, a pulmonibus, cuti, renibus, &c. derivamus; praecipuisque in partibus inflammationes extinguimus.

5. In sermone de consensu partium ante instituto, oblitus mihi videor, quod in usu non est praeterendum, vicina majorem, quam remotiora, consentiendi vim tenere; unde, quo propius ad partem affectam in cuti quid adplicatur, eo melius operatur, ut in rheumaticis aut inflammantibus affectibus vesicatoriis acitruve facientibus accidit: nihilo tamen minus in usu medicinae dubitari etiam videtur, in deliriis capite an pedibus vesicatoria apponi debeant; si in sensatione sola medela sita sit, capite, cujus minima est sensilitas, quaevis alia pars in plerisque hujusmodi rebus magis apta videtur.

III. OPERATIONEM medicamentorum variam, pro variis hominibus, variaque singulorum organorum fabrica, sive naturali sive morbida, jam in consensu partium vidimus.

PRIMUM igitur, hoc; quibus utamur medicamentis ut perspiciamus, monet; quicquid enim quis  
quam

quam de simplicitate et innocentia medicamenti in animum credere induxerit, cum re vera constet innocentissima quae videntur nonnullis systematibus nocentissima esse, quid efficiat unumquodque medicamentum explorare, contraque naturam esse inventi, ab usu ejus statim desistere debemus.

2. Hoc idem deinde ne specificarum, quas dicunt, potestatum opinionem continuamus vetat. Medicamentis stimulantibus, pro singulari statu aut conditione fibrarum, tum in partem proxime affectam, tum in alias distantiores, semper agentibus, cum in morbis insignis a naturali lege immutatio incessat, fierique possit, ut inter se nonnihil in hac re dissimiles sibi proprium aliquid singuli morbi fortiantur, evenit ut certa medicamenta ad certas partes aut organa adficienda, eosque in systemate motus qui ad salutem pertinent excitandos, praecipue accomodentur. Eo fit, ut quibusdam indicationibus, sive ad fluida mutanda, seu solidis naturalem sanamque conditionem restituendam pertinentibus, inducti, in iis operam perdamus, in illis medicamentis rem ad sententiam geramus. Nec in diversis solum morbis haec anceps medicamentorum locum habet operatio, sed, quod in summam nos sollicitudinem conjicit, in diversis ejusdem saepe morbi modis, cum in eodem tum in diversis hominibus, versatur. Itaque in hydropi unum tantum modo in omni materie medica me-

I

dicamentum,



dicamentum, idque simplicissimum, saepe invenimus, quod ad aquam derivandam satis valeat; quod tamen in alio homine eodem morbo laborante, vel in eodem ipso homine aqua iterum collecta, tentatum nihil fortasse proficit: omnis denuo medicamentorum copia perscrutanda est, ut aptius aliquid inveniat. Idem saepe malis spasmodicis contingit, ubi sola experientia, nec ulla morbi theoria, ad idoneam medelam dirigit.

QUAE res praestigiatori arridere, et rationis viagrassantem deterrere, videntur. Verum in re medica, non minus quam in aliis scientiis, quamvis multa videmus quorum adsequi causas nequimus, hoc nihilo verius in usu medicinae rationem elevat, quam variis vitae artibus philosophiam exulare jubet. Et quamvis empiricus solam sibi ducem experientiam jactat, qui rationi obtemperat ea solus bene utitur; qui, si quid de morbi natura ita novit, ut quae illi medicamenta profint a priore dijudicet, simul multorum in omni morbo, quae eorum vim impediunt aut pervertunt, haud nescius est; quae medicamenta ad felicem finem perveniunt, quae spem fallunt, diligenter omnia observat; easque res, quantumvis inexplicabiles, fideliter colligit animoque condit; postremo, cum morbi indolem, eumque comitantia acutissime inspicat,



fpiciat, haec omnia summa cum utilitate ac prope non ignarus futuri in usum promit.

IV. DIVERSUS irritabilitatis in diversis hominibus modus, ut diversa portio visque stimuli adhibeatur, necessario facit: id quod in animo habendum est, sive in systema, sive in singula agere instituerimus. In morbis, qui a languore vis nerveae oriuntur, et in relaxatione aut torpiditate systematis siti sunt, paralyticis affectibus, apoplexiis, lethargiis, et syncopis, quantum sit opus stimulis irritantissimis quotidiana experientia ostendit. In mobilibus vero systematibus quam molesti essent vel lenissimi stimuli, et quantillae portiones operarentur, supra vidimus. In summum igitur notandum, ubi in torpidas fibras parvis dosibus aut lenibus stimulis agitur, operam perdi; si mobilia systemata sint afficienda, nimiam vim aut quantitatem stimuli non modo validius, quam par est, in partes quibus admovetur operari, verum etiam per consensum, qui in istiusmodi hominibus tantopere dominatur, totum systema perturbare. Quod cum ita sit, nihilominus notandi sunt quidam mobilis systematis affectus, qui aequae valentes doses, ac in ipsum torpidum conveniunt, exigunt. Quocirca in omnibus spasmodicis, sive in primis viis, sive alibi vitiis valentissimae doses inebriantium

tium stimulatorum, quae alias violentissime agerent, ad ea tollenda necessario postulantur.

V. Ad totum systema partesve remotiores afficiendas, largiores doses aut validiora stimulantia, quam ad singula organa, requirenda videntur. Ita si exta solummodo purgare aut evacuare volumus, leniora cathartica adhibere debemus, quam cum stimulus ad partes remotiores, ut in hydrope fit, propagandus est. In ilio morbo, ad peristalticum intestinalis canalıs motum curandum si quid, sive clysmā id sit seu suppositorium, imae ejus extremitati applicatur, acerrimum semper et irritantissimum esse debet.

IDEM cum in ventriculum agitur fieri videtur, cujus plerisque morbis vomitus ex ipecacuanha concordant; systematis vero partiumve remotiorum morbi acius emeticum postulant. Ita in testium tumoribus, e turbetho minerali vomitus utilissimi inveniuntur, et in dysenteriiis antimoniacorum emeticorum utilitas diu perspecta est. In obstinato humido asthma, ipecacuanha aliisque diu medicamentis frustra pertentato, antimoniaca emetica noster CULLENUS felici eventu egisse memoravit; et, in clynicis praedlectionibus, in morbis chronicis conpluribus et obstinatis, ubi stimulo vomitusve concussione

concussione opus est, deficiente ipecacuanha, antimoniacos vomitus bene saepe, operari meminit.

CUM, ut saepe fit, ea sit morbi aut aegroti natura aut conditio ut exiguae, doses emeticae quam pleniores plus proficiant. Hic etiam antimonium quam ipecacuanha melius videtur. In febribus medicamentorum antimonialium felix operatio, ni fallor, evincitur. Idem morbis chronicis compluribus fieri apparet \*.

IN summum pro generali lege proponi potest parvas portiunculas leniorave stimulantia aegroto primum danda, dein prout illius habitus aut morbi indoles postulare videatur, eadem post modo augenda aut mutanda. Nec in hoc loco omittenda est certissima quidem res, usuque abunde confirmata, in dosibus nosmet porrigendis saepenumero,

*Serpere bumi tutos nimium timidosque procellae;*

et dum parcius utimur, medicamenti alias morbo sufficienti salutiferam virtutem e manibus amittere.

QUANDO in circulationem medicamentum inferre volumus, dicine oportet, ad ejus in primis viis operationem prohibendam, parvas doses postulari?

\* Vid. Med. Ess. v. v. art. vi.



QUÆ quibus stimulantibus in usu anteponenda sint pluribus dicere, quam necesse jam habui, ineptum esset.

VI. SIQUIDEM stimulantia diutius adhibita adeo sunt proclivia ad debilitandum; in usu diuturniore stimulantium omnium generum magna prudentia opus est; naturam morbi, habitum aegroti et medicamenti effectus accuratius animo pensitando, quando eam tensionem quae valetudini sit necessaria induxerimus, quando confirmaverimus, observare conandum est.

VII. POSTREMO dici potest stimulantia omnium generum, cibi aut medelae loco longius adhibita, habitui adeo affinia devenire, ut neque intermittenda, neque aliis mutanda, sine periculo videantur. Cumque verisimile est, ut hoc a praecipue irritabilitatis modo, vi consuetudinis inducto, nonnunquam oriatur, potius tamen a manifesto organorum proxime affectorum, ipsiusque adeo systematis, immutatione oriri patet. Itaque lauti beneque conditi cibi et spirituosorum liquorum crebrior usus omnia relaxat et enervat, diversaeque corporis partes, a primis ad extremas vias, quo minus justum, et naturalem stimulum capiant, in causa est. Unde infelix necessitas in istiusmodi irritantium usu perseverandi, et gravia intermittendi incommoda.

commoda. Clarissimus MONRO, quibusdam memoratu dignis enumeratis, tam pravis consuetudinibus indulgendi utilitatem demonstravit \*. Verum quoniam haec indulgentia, quae valetudinem et quietem pro tempore conciliat, ad perniciem systematis spectat, omnibus modis conandum est, ut cum ipsam consuetudinem tum ejus necessitatem e medio tollamus ; semper autem cum id conamur, vetus illud et provulgatum dictum, “*repentinam consuetudinum immutationem periculosam esse,*” in animo habendum.—*Cum quis aliquid mutare velit, paulatim debet assuefacere* \*.

TANDEM hoc tentamen ad finem perductum est, quod eruditi neque diserte neque emendate confectum, sed rude, plurimis mendis scatens et imperfectissimum reperient, quodque patientiam non minus quam judicium exerceat habebunt ; sperat tamen AUCTOR a severa rationis reprehensione, suorum praeceptorum et condiscipulorum, cum quibus prope solis sibi res est, lenitate et facilitate sese munitum ire. Quibus si haec, qualiacunque sint, placuerint ; ea benevolentia, (quasi *stimulus* vires instigans) ut inceptum plenius per otium persequatur, eum forsitan accendet : cumque hoc

\* Vid. Med. Essays, v. vi. art. 46.

\* Cels. lib. 1. sect. 3.

opusculum animum erexerit ad phaenomena morborum et medicamentorum effectus indagandum, in eo sese jam esse sperat, ut quae ad hoc Systema, inaccurate et impolite descriptum, perficiendum pertinent, colligat et componat.

F I N I S.



## E R R A T A.

Page 2. line 15. *lege vires.* p. 4. l. 5. *lege pathologiae.* p. 10.  
 l. 1. *lege proprius.* p. 11. l. 15. *lege haemorrhagiae.*  
 p. 17. l. 24. *lege nausea.* p. 26. l. 5. *lege phaenomenis.*  
 p. 33. l. 19. *lege dirigatur.* p. 35. l. 10. *lege simus.* p. 37.  
 l. 24. *lege mechanico.* p. 38. l. 4. *lege simpliciter.* p. 40. l. 9.  
*lege substantiae.* p. 45. l. 1. *lege arteriasque.* ditto, l. 11.  
*lege admissio.* p. 47. l. 5. *lege eas.* p. 49. l. 1. *lege prium.* p. 51.  
 l. 14. *lege terebinthinae.* p. 53. l. 17. *lege, Eadem argumenta de*  
 p. 51. l. 11. pro ventre, *lege ventri.* p. 51. in annot. pro quae,  
*lege qui.* p. 57. l. 23. *dele de.* p. 59. l. 21. 22. pro astringunt  
 prohibent perturbant, *lege astringere prohibere perturbare.* p. 62.  
 l. 6. *dele vero.* p. 64. l. 15. pro acitruve facientibus, *lege aut*  
*rubefacientibus.*







